

徐世昌



權操九鼎

雄燄一時

最 新 出 版 新 書 目 錄

黎元洪歷史	陳炯明歷史	孫中山革命演義	曹琨大事記	吳佩孚大事記	張作霖歷史	粵桂兩軍大戰史	孫文學說	孫文歷史	李烈鈞出巡記	徐世昌歷史	蔡松坡故事	黃克強故事	程璧光故事	段祺瑞歷史	奉直兩軍大戰史	唐繼堯歷史	黎元洪二次出京	孫文建國演說
-------	-------	---------	-------	--------	-------	---------	------	------	--------	-------	-------	-------	-------	-------	---------	-------	---------	--------

四角	四角	四角	四角	四角	四角	六角	六角	五角	五角	六角	四角	四角	四角	四角	五角	五角	四角	六角
----	----	----	----	----	----	----	----	----	----	----	----	----	----	----	----	----	----	----

民國十三年七月再版

徐世昌歷史全一冊

定價大洋四角

編輯者 上海光華書局

校閱者 上海光華書局

印刷者 上海光華書局

發行者 上海光華書局

分售處

廣州 香港 汕頭 廈門
梧州 奉天 長沙 江西
南京 重慶 澳門 安南

(版權所有)

(翻印必究)

新編 徐世昌歷史序

專制之季。所謂名公鉅卿者。雖不必獨具過人之才。但能陰謀籠絡。手腕敏捷。通聲氣。結附從。暨黨援者。徐氏居其一也。余夙纂近代名人傳紀。其事蹟頗詳。治績曩所目擊。徐世昌事則聞諸伯陸勤與鄉人路氏者。爲多而勤。則徐氏通家路。則其姻婭也。旣已被衆舉行就職爲元首。雖南北迎拒。未能一致。而默察時勢。欲求一才能聲望。愈於徐氏者。殊無其人。然政途素若紛絲。或待之以理。喬絃或待之而調。對於國家關係。匪輕度其行藏。爲世所爭睹。乃附益曩作。撰爲此篇。公之國民。若曰。知人論世。則吾豈敢爰亟錄徐氏事蹟表而出之耳。

癸亥孟夏著者識於上洋客次

徐世昌歷史目錄

第一節

徐氏史畧

服官東督

入相清室

服官民國

帝制態度

避嫌辭職

嵩山四友

受命託顧

第二節

生厭黃陂

督團黑幕

復辟暗助

長弼德院

襟袍租賃

羅致議員

眞女公子

陰謀倒段

第三節

辣對國會

迷信拆字

籠絡狡計

攬權專利

兄弟顯貴
崇文稅務

利用黨派
煙酒稅務

第四節

總統賣魚
迷信風水
捉刀文章
清室太傅

北海禁開
剋扣薪俸
聯絡日本
計畫倒斡

第五節

直系見惡
交涉魯案
妙法激將
奉張通電

特赦禍首
奉直爭戰
扶植老張
報復洩憤

第六節

請王組閣

阻止議會

收粵議員

操縱疆吏

詭計嫁禍

統一問題

通電謙抑

倒退迅速

第七節

得保財產

劾徐考語

布徐罪狀

臨去通電

臨別讌客

出京情形

乩徐魔鬼

去位夢兆

第八節

老徐被騙

討債釀禍

退位滑稽

黨人恐慌

新編 徐世昌歷史

第一節

▲徐氏史畧

世昌字菊人直隸天津人生於清咸豐五年固世族高祖某河南知縣曾祖廉鐸進士湖南知縣祖思穆河南中河通判父嘉賢未仕卒生而家中落奔走豫南北爲人記室以自給光緒丙戌年三十二成進士己丑散館授編修甲午順天鄉試磨勘官國史館武英殿協修官丙申母喪歸葬於豫丁酉入新建陸軍參袁世凱戎幕己亥服闋仍留襄軍事庚子張之洞及世凱保薦人才皆列名疏中得軍機處記名辛丑世凱任北洋大臣奏派充京營營務處督辦旋擢國子監司業癸卯商部成立超授右丞旋開缺加副都統銜充練兵處提調甲辰署兵部侍郎乙己派校閱北洋陸軍旋命在軍機大臣上學習行走兼政務大臣會辦練兵大臣除左侍郎署本部尙書事六月派赴各國考查政治以吳樾謀炸未及行授巡警部尙書補軍機大臣方畧館副總裁經筵講官丙午派赴奉天查辦事件未幾改民政部開去軍機大臣專理部務丁未授欽差大臣東三省總督兼管三省將軍事務仍兼參預政務大臣丁未兼督奉天巡撫己酉調任郵傳部尙書五月充督辦津浦鐵路大臣庚戌授協辦大學士憲政編查館大臣七月再

入軍機大臣旋授體仁閣大學士辛亥四月授內閣協理大臣九月改軍諮大臣授太保冬月辭清室居於青島民國三年清室晉太傅袁氏任爲國務卿四年辭職歸豫復至京師五年仍爲國務卿踰月辭職時往來京津間五月爲世凱治喪還豫居於輝縣五年冬應黎元洪等之請至京師解府院之爭遂移居天津六年九月入京晤馮國璋商維持優待清室條件仍還津七年春段祺瑞辭職國璋遣使使其組織內閣拒之復至京爲馮段解和遂居京參衆兩院成立議員十九屬安福俱樂部先議定一致舉世昌爲總統及投票果屬之雖通電請辭而北洋派半天下皆崇信世昌者不必容其不就妾二無子生一女世昌狀貌端重目光射人雖年已六十四而步履矯捷精神固強世凱所弗及也

服官東督

清光緒時以東三省爲強鄰所逼處非刷新政治無以自救乃仿闕內行省之制設置督撫各官以謀行政上之便利而徐世昌遂爲第一任總督徐既到任置政治于不問專一建築官署以圖暢適私意又復納賄營私無惡不作勾結島夷斷送種種權利遂使東三省陷於萬劫不復之境而徐則貪囊已滿富逾百萬之鉅矣至於東三省之地方行政則每況愈下更不如官制未改之前蓋植基既壞後來者復依樣葫蘆而關外一片土所謂清朝之發祥地者遂成大

和之殖民地推求所以致此之原因實因世昌敗壞之也。

▲入相清室

前清之季慶內閣成立奕劻以親王爲總理東閣大學士那桐副之其時徐已由東省入爲體仁閣大學士清廷因調和滿漢之故以徐膺副選奕劻之貪穢擅職招權鬻爵舉國之人無不側目徐因利用其貪以遂己之慾於是三人狼狽爲奸同參機密有相得益彰之名慶同昌公司之股東徐固其一份子也瑞徵餽獻三十萬金而擢任湖廣總督端方以價值十萬元之古玩進於樞臣而得重膺任用其餘如陳夔龍張鳴岐蔡乃煌輩莫不以厚幣相獻徐與慶那皆分霑之由是群下側目民怨沸騰而清運因以告終此徐世昌在前清時貪墨之實情也及至民國則非特貪墨矣且處處用權詐之手段陰險之行爲以操縱時局挑撥是非爲得計其罪不勝誅矣。

▲服官民國

徐世昌於民國初元仍臣事清廷以遺老自命袁項城屢次徵其出山徐迄不就世人遂以高風亮節忠於清室稱許之而不知徐非不欲仕也特非內閣總理則不就雖爲內閣總理而處於國會監督之下則仍不願就然功名心切長此寂寞實不能甘於是從意項城解散國會之

計出矣。項城亦以國會事掣肘不能爲所欲爲。得徐之挑撥毀法之意。乃決國會既解散。徐之目的已達。而國務卿之任命乃欣然樂就矣。自民國三年五月一日就職。迄四年十月二十七日去任。在職凡一年有半。所引用之閣員。如外交總長孫寶琦。內務總長朱啓鈴。陸軍總長段祺瑞。海軍總長劉冠雄。財政總長周學熙。農商總長周自齊。交通總長梁敦彥之類。大半爲舊官僚也。

▲帝制態度

徐世昌爲國務卿時。民黨之勢已失敗。項城環顧宇內。莫與爲敵。於是帝制自爲之心日熾。恐徐或反對之。因於談論政事之餘。慨然謂之曰。共和成績如此。國事前途異常危險。宜有以挽救之。徐已揣知項城意旨。乃從容對曰。天與不取。反受其禍。若梁燕孫之多才多謀。朱桂莘之勇於任事。皆天生佐命元勛也。項城掀髯大笑曰。英雄所見大畧相同。此言信不我欺。未幾而古德諾博士之大文章發現。此即徐之獻計。蓋借外人之言以發生帝制耳。及籌安會成立。各省攻擊之電絡繹而至。徐則壅不上聞。而對於發電者。則又置之不復隱縱。籌安會之進行。而時局益不可收拾矣。

▲避嫌辭職

帝制運動日進不已而各省之反對亦日甚一日徐世昌見大勢如此知帝制爲全國所反對不得不急謀脫身以圖自衛乃托故請假一而再而三項城見其求退之急切尙以爲徐以輩行較先不願稱臣故有高蹈之志仍再四挽留而徐則堅辭曰某之乞休非有他意第以年已衰頹願賦遂初倘得爲盛世之民日觀郅治於願足矣於是遂卸國務卿之職而不知者尙以爲反對帝制而去也維時各省反對之聲浪日益擴充或勸徐以老友資格向袁進言徐第笑而不答蓋徐憤袁之位出己上大有借此倒袁之意由是泐其親信分赴津滬粵漢各地傳播徐世昌反對帝制之新聞冀脫身於事外而一世梟雄之袁項城尙未知爲徐所賣也

▲嵩山四友

徐世昌辭去國務卿之後項城遂改元洪憲而封徐及趙爾巽李經羲張謇爲嵩山四友入朝不稱臣不跪拜以朋友之禮待之蓋四友之資格在前清皆出項城之上徐趙通籍最早項城曾爲其僚屬李爲文忠公之後袁氏向嘗依託其門張則袁之帥也故得蒙此殊典然徐獲此尊禮不以爲榮反語其所親曰嵩山四友者永不叙用之別名也陽尊之而陰擯之吾又何貴乎此嗚呼觀此寥寥數語徐之熱中可知矣假使帝制不遭反對洪憲果能成立則徐欸豈入都三公之位非異人任若洪憲中天則嵩山四友之空銜徒貽人以口實耳故此種殊典始終

不願承受其心思可謂巧矣。

▲受命託顧

袁項城因雲南貴州廣西各省先後宣佈獨立乃再起徐世昌爲國務卿欲籍以緩和各省之反對由是徐復策杖入都倚老賣老以爲收拾亂局舍我其誰初不料各省因項城之忽而皇帝忽而總統益形憤激卽四川湖南亦相繼獨立項城愈益憤怒晝夜焦灼遽感不治之症臨終召徐至榻前以後事託之曰菊人余爲群小所誤至有今日幸國事有依法繼承之人可勿置念宋卿雖非槃槃大才倫得君與芝泉如周召之夾輔成王收格時局亦非難事余所顧慮者孤兒寡婦之生命耳余死之後君當顧念交誼盡力保全之言次于夫人已率諸妾及兒女趨前羅拜徐亟答拜慨然自任曰斷無後慮某當以闔家性命擔保之于夫人等泣謝而退嗟乎以徐世昌與項城之交誼使於帝制萌芽時代竭力諫諍曉以世界大勢告以國民趨向項城非夢夢者未必不翻然感悟也今乃長惡逢惡以成其過致項城賞恨以歿家屬亦有岌岌不保之勢是誰之過歟而顧以區區顧命爲功乎。

第二節

▲生厭黃陂

項城病殂黃陂繼任總統此固依據法理至正且當之舉也然北京政局自改革之後前清之腐敗情形仍未變更前清之資格及位望均極重視黃陂在前清爲混成協統以徐世昌舊式眼光視之黃陂不過一協統耳安能勝元首之任乃使其門客謂黃陂曰北方勢力悉在北洋系君與北洋系素無淵源若繼項城之任北方各省倘不服從命令則如之何爲今之計東海爲北洋之前輩君能以師禮事之則一切難題自有此老爲君排解可無憂矣詎意黃陂固忠厚長者凡拜門生等事素不屑爲聞言之下艷然言曰東海功重德厚本爲國家柱石將來一切大政正欲藉重主持即無師弟之誼余知東海爲國爲民必能匡余之不逮雅不欲形諸表裏面以招物議使者無言可答返報徐徐大不悅自謂身歷中外三十年門生故吏半天下若黎某者本卑卑不足道彼勿自以爲位居總統不受抬舉余看彼之總統交椅能安坐幾時後有人舉此言以告黃陂黃陂岸然曰余居瀛臺之日早拚犧牲此身今幸天相民國共和再造余忝爲元首縱不爲一己人格計亦當爲總統地位計欲余掛冠而去則可欲余屈節卑躬依託東海門牆必不能也黃陂之語傳入徐耳於是益憤黃陂之高自位置輕視老成遂陰謀倒黎之計未幾而府院衝突風潮以起東海部下之策士復從而挑撥之遂釀成能免段祺瑞及督軍團之禍矣

▲督團黑幕

徐世昌欲推倒黃陂遂竭力交歡於段祺瑞黎段本極浹洽在帝制運動之時曾共患難故黃陂繼任段即膺總揆之選其交誼可想而知然黃陂忠厚有餘智慮不足左右之人不免盜用魁柄適段祺瑞又篤信徐樹錚因之府院爭權黎段之感情日以隔閡徐見有機可乘乃使人語段曰何物宋卿欲陵躐我北洋團體耶彼不思今日之地位從何而來假令項城死後君不出而擁戴宋卿總統之位正不知屬於誰氏乃方得正位白宮便飲水忘源恩將仇報耶君其善圖之勿貽北洋團體羞段本武人頭腦簡單又善負氣爲徐所激心益不平由是更與黃陂齟齬矣黃陂忍無可忍乃下免段令而安徽督軍倪嗣冲忽領電請清君側除四凶（督軍團所謂四凶即丁世鐸金永炎哈漢章黎澍）此即吾人所盛稱之督軍團兵諫也然倪嗣冲以一督軍竟敢冒天下之大不韙者實由徐發縱指揮也蓋徐之處心積慮欲推倒黃陂者雖爲報不拜門牆之恨而實則欲推翻共和重扶清室耳其心術可謂險矣

▲復辟暗助

諸君猶憶之乎張勳復辟之前不啻有徐州會議乎此會議非他即復辟會議參加此會議者爲北方各督軍之代表徐世昌康有爲亦皆派親信參列其間所不與聞者惟黃陂及西南各

督軍耳及黃陂爲督軍團所窘進退失據徐乃使人進語曰督軍團勢成騎虎欲解此紛非張紹軒不可蓋紹軒爲北洋系宿將且實力甚大非各督所能及得其一言不啻九鼎收拾時局不難矣黃陂信之乃電召張勳張勳猶不允進京一再推却方始應召實則徐張早已聯絡復辟之手續久已部署妥協且逆料黃陂之必上圈套無可解免故作此三請三却之態也張既入京遂藉其威力逐伍廷芳用江朝宗使之副署解散國會非法之命令而繼之以復辟此皆徐州會議預定之步驟而暗幕中爲之策畫者實徐世昌也否則張勳武夫耳安有如許之謀畫且非得北洋系前輩宗社黨首領之徐世昌所允許亦不敢冒昧行事也惟徐世昌當日主張原擬逐漸進行並不如此草率不料張勳輕舉妄動鹵莽滅裂一致於此致令全國反對馬廠誓師助成段氏之名而復辟大業遭此一番挫折欲圖再舉益難奏功故疾首痛心深責張勳之率意任性不從其所定之謀畫進行以至於敗然徐雖恨張之誤其大事而段祺瑞陳兵入都之日猶爲張說項謂紹軒此舉君在當日亦曾預聞今若相煎過急恐其宣布徐州會議之真相不如縱之爲便段然其言故張勳得以脫難也

▲長弼德院

復辟之殊勳雖屬張勳而發縱指使之力則全仗徐氏故溥儀欽授以弼德院長而使康有爲

副之弼德院者無異於日本之元老院將來參預國政其權實在內閣議政大臣之上溥儀以徐世昌不願當第一任內閣議政之名固幾約商確而後始有此主張以位置徐氏也其時徐在天津私宅綸音既下徐亦居然受之假使馬廠之師不起或遲一二日而始起則徐早已入都謝恩匍匐丹墀之下矣

▲蟒袍租賃

復辟以後有最感困難之事焉其事維何即需用龍旗與冠服也自前清遜位民國成立龍旗早已銷滅倉猝無可置辦而警廳則逼勒人民挨戶懸掛以申慶祝人民無法乃爭購黃布繪以彩紋或爲蟒形或作蛇形飄揚街市見者莫不發噱至於衣冠袍套則較龍旗尤爲困難蓋龍旗尙可臨時製造而袍褂則非預藏者不能有也故當朝賀之日各向前清官僚借用幸而覓得一套非形式奇異即尺寸不合奇形怪狀雖新劇中之優孟衣冠無此可笑孰意徐世昌所藏之紅纓大帽補服袍褂不計其數徐本利心最重遇此際會遂出所藏租賃於人舊者須銀數十兩新者且徵收重價始肯出賃此事都人士至今又能道之非箸者之虛言也即此一端徐之貪得無厭可以見矣

▲羅致議員

有王揖唐者軍人而政客者也張勳復辟三造共和之後王首先勸段自爲總統謂馮華甫有一部份之實力更非黃陂可比今若擁之必貽後悔黎之前車可鑒也段氏深韙其言第爲時勢所限未能實行耳然段雖未用其言而兩人之關係從此益密切矣段既不敢強取總統乃不得已而擁馮氏上臺心實不甘也王知其意乃自告奮勇計畫造黨辦理國會新選舉以期馮國璋代理任滿可由新國會選舉段氏爲總統由是與徐樹錚組織安福俱樂部包辦新國會以爲段氏當選後任總統之預備不料段王之狼狽爲奸爲旁觀之徐世昌所知卽出而大施陰謀以破壞此舉蓋徐之表面雖十分恬退而實則覬覦首座之心較諸他人尤爲急切其歷年來之播弄風潮主張復辟皆以不得總統之故耳今見段氏欲謀當選受驚非小遂一面使人勸馮謂以君之地位不啻近水樓臺此輩議員祇須金錢不難役使若牛馬也馮本爲著名之士販在南京時販賣鴉片大獲其利腰纏十萬遠非段之清貧可比聞徐言心爲之動乃遣人四出以巨資收買議員徐見馮已上鉤卽進行第二步計畫遂又使人語段曰君與聘卿華甫有北洋三傑之稱三人之中惟君最具幹才資格亦最深聘卿不合於流俗華甫則狗耳君迎之入都推爲總統已出非分乃意猶未足更思下屆正式總統以金錢之力與君爭勝負如爲所勝君之名譽從此掃地矣段聞言乃召王揖唐而責之謂其徒以清一色三字朦人何